

St. Dr

227548

III

*Separationem Ant. / stud. gen. Crac. ad S. Bernardinum
2 Solium Honoris in Prædicatione Solium Honoris*



ADMODVM REVERENDO IN CHRISTO PATRI

P. ANTONIO
STEPHANOWICZ

ORDINIS MINORVM OBSERV: S. FRANCISCI
PRÆDICATORI CLARISSIMO,

ECCLESIAE CATHEDRALIS CRACOVIENSIS ORDINARIO,

Prouinciæ Poloniæ Primario Patri, Exministro,
& Custodi Custodum actuali

TOTIVS ORDINIS S. FRANCISCI
OBSERVANTIVM ET REFORMATORVM

DIFFINITORI GENERALI

PATRI OBSERVANDISSIMO, PATRONO SIN-
GVLARISSIMO, MÆCENATI COLENDISSIMO

Studium Generale Conuentus Cracouiensis ad S. Bernardinum, filialis
obseruantia ergo omnigenam fælicitatem precatur.

221548



*Rrisit tandem diuturnis suspirijs nostris blanda votorum
fautrix Fortuna; ADMODVM REVERERDE
PATER & Patrone noster colendissime; dum Te post
longas viarum varietates, auctum dignitate, integrum sa-
nitate, à Sacrà Vrbe Orbi nostro reducem, gratiosè restituit.*

*Hactenus etenim contabescabant sollicita de Te filiorum Tuorum pectora; Ha-
ctenus inualescebant continuata pro Te orantium clientum suspiria; Hactenus
impemisebat sine Te omnium nostrum radios mens; Te ad omne summum na-
tum, bono publico dedicatum, nuper pro communi commodo, tot ac tanta pro-
lixi itinervis incommoda sustinere, recolens; Se verò, Prouinciã suã, vnãq;
Sarmaticum Orbem, orbatum Tuã presentia, deplorans. Verum enim verò,
quò*



quò magis tunc anxij cordis arcana de Tuâ abſentia fueſſe anguſtiata, eò amplius nunc viſcera penetralium noſtrorum de Tuâ præſentiâ ſunt recreata. Venit namq̃ illa viua imò viuida hora, quæ diuo mæore præſens mentibus, rediuuam protulit lætitiæ congeriem; Illuxit numeroſo Alme Matris Prouinciæ cætui, ameniſſimus Tui reditus dies; Refulſit ſplendidus ampliſſimi decoris ſol; Reſplenduit nitida ceſſiſſimi honoris Tui lux; Lux illuſtris & veneranda nimis, quæ ferales prolixæ horroſis abigens tenebras, noua cordium colludia, noua animorum oblectamenta ſpargit, celebres de Tuo deſideratiſſimo aduentu congerens triumphos. Nunc igitur, generoſa Tua proles **DIGNIſſIME PATER**, paſcitur illo affectu, quo Tuum reditum appetebat; Reſcitur illis votis, quibus Tuum complexum ambiebat; Saginatur illis ſuſpirijs, quibus ampliſſimum Tibi honorem precabatur. Aſt intra multiplicem appreciationum ſeriem, unica ſubrepiſit obſcuritatis latebra, incertis, Tuosne Tibi honores, an Te honoribus gratulari debeamus? Nam ſi ampliſſimo nomini Tuo ſupremos honorum faſces gratulari velimus; Equidem luce clariùs meridianâ conſtat, Te ſæpe reluſtantem, ſæpiùs inuitum, omnes & ſingulos dignitatis religioſæ gradus, uſq̃ ad ſummum **PROVINCIALATVS** ſolium, tranſcendiſſe; Conſtat, Te integrum vitæ decurſum, non tam uiribus quam uirtutibus, non tam languoribus quam laboribus, non tam horis quam honoribus, tranſeſſiſſe. Satiùs ergò Te honoribus gratulandum cenſemus. Cernit namq̃ limpidiſſimus Orbis uniuerſi oculus, duo hæc, Virtutem nimirum & Doctrinam, conpenitis cæterarum dotum comitata cæcurijs, pro Te à primis infantie annis læcertare; Cernit Te, non ut præſes ſed ut proſes, clauum regiminis acceptare, & ampliſſimos dignitatis religioſæ gradus, non tam honori quam oneri (raro exemplo) imputare; Cernit Te unicum, probos **THEMISTOCLES** probitate, ſubtilis **SOCRATES** ſubtilitate, dextros **SCIPIONES** dexteritate, graues **FRONTONES** grauitate, fidos **FABRICIOS** fidelitate, generoſos **VLYSSES** generoſitate, magnanimos **CATONES** magnanimitate, ſuperare; Cernit Seraphica propago, Te pauperriſſimos **FRANCISCOS** paupertate, pientiſſimos **ANTONIOS** pietate, feruentiſſimos **BO-NAVENTURAS** charitate, ſuauiſſimos **LVDOVICOS** ſuauitate, benigniſſimos **BERNARDINOS** benignitate, humilliſſimos **DIDACOS** humilitate, rigidiſſimos **CAPISTRANOS** rigiditate, auſterriſſimos **LIPNICIOS** vitæ auſteritate, deniq̃ clariſſima illa Scientiarum ſydera, **ALENSES**, **SCOTOS**, **MAYRONIOS**, mirâ ingenij claritate, exequare; Cernit inſuper, ſupremum eruditæ ſapientiæ pariter ac prudentiæ decus, in Te ſibi perennem quæſere locum, domicilium inuenire. Hinc eſt, quod Mater Orbis **ROMA**, nuper in Te dignitate dignitatem auctam expendens, voluit præceſſum nomen Tuum ampliori cumulare ceſſitudine, dum concordi eligentium ſuffulta calculo, Tuo arbitrio, ſententiâ diffinitiuam in omnibus & ſingulis

rotius

totius Ordinis nostri negotijs ferendam consignauit, Te DIFFINITO-
REM GENERALEM Obseruantium & Reformatorum Sancti
Francisci, creauit, quatenus præclaris Tuorum operum facinoribus, non ex
solo duntaxat premio beatitudinis æternæ merces constaret, sed haberet præ-
terea in vitâ labili nobile theatrum virtus emerita, in quo undiq; probata
spectataq;, ceteris vel ad plausum sufficeret vel ad calcar. Ad aras igitur
tantî nominis Tui lubens procumbit nostra Scholastica Palestra AD
MODVM REVERENDE PATER, modicam hanc ex-
hibarata mentis camenam Tuo occinens in conspectu. Offerant enim alij augustissi-
mi AVGVSTI trophæa; Offerant opulentissimi CRÆSI cumulos, Nos tenuem præ-
liantis Mineræ pauperiem Tuo opponere lumini non pigebit, quem Arte &
Ingenio pollere, ore unito vniuersus deprædicat Orbis. Ergo doctâ fron-
te lustrare digneris ALME PATER hanc incultam gracilis calami
opellam, & qui eternitatis pretium, serenam faciem esse nosti, digneris
hanc exiguam Musarum tesseram, eximij nostri affectus in Te Tuumq; Sa-
crum nomen testatricem, manu clementi attrahere, sinu Paterno recludere,
vt sic præcelso nominis Tui splendore decorata, exactius Tua in auum
militet gloriæ, seruiat dignitati.



Admo-

Admodum Reuerendus Pater An-
tonius Stephanowicz, Ordinis Mi-
norum Obseruantium, Prædicator
Clarissimus, Ecclesiæ Cathedralis
Cracouiensis Ordinarius, Prouinci-
æ Poloniæ Primarius Pater, Exmini-
ster, & Custos Custodum, Totius
Ordinis Sancti Francisci Obser-
uantium & Reformatorum
Diffinitor Generalis.

A N A G R A M M A

Salve inclytum Sydus Orbis Sera-
phici, dulcis Olor facundi oris, per-
fectionis speculum, Study Promo-
tor, Norma Arsvè prudentiæ, Na-
turæ cor Paternæ, mansuetudinis
idea, Fons virtutis, Scientiæ decor.
Te insignem meritis vrbs sacra, a-
pex Fidei & zenith Roma, ador-
nat; vt meritò sis Crucis a-
mor, Corona, Cynosura
Minorum.

A

urea cælorum nunquam fulgentius Orbi
Detulit, occiduis Pelagi luctata sub vndis,
Mirifico splendore iubar, Tytania lampas;
Oceano mersos, liquidâ de sede iugales,
Delius, Eoijs primò cùm visus in oris
Vindicat umbriferæ cæcâ caligine noctis,
Mille ferens animis solatia, mille canoris
Roscida mella auibus, pratis floralia mille,
Et Musis hilares, & gratas mentibus horas,
Veliuolis placidum ratibus post nubila pontum;
Et quodcunq; decus, latè fugientibus vmbria,
Restituit mundo, species suauissima lucis
Expectata diu; quàm cùm se lumine vasto
Nunc in Hyperboreis felicius explicat oris
Dudum cara dies & votis mille vocata
Vnica, sed multis pretiosior illa diebus
Solaq; digna Cedris, & obrizo digna metallo
Perpetuoq; dies Cytharæ dignissima plausu
Aduentu veneranda Tuo, dilectaq; multum
Tot Tibi deuinctis, Lechicæq; clientibus oræ
Emicat illa suis, & latè fulgurat Orbi
Resplendens Patrio radijs; dum solis ad instar
Altius inuectum, nitidis Te gloria pennis
Nuper honorata, meriti sublimat in auge,
Tantaq; fert Tecum decora, atq; insignia tanta
Ordinis, & tantos Lechiæ plaudentis honores.
Nempe quibus Phæbo similis micat vndiq; splendor
In Patriam Sacrosq; Lares cætusq; Minorum;
Vt nobis Te Roma Patrem sublimius auctum
Sarmatico super Orbe dedit, clarissima cæli
Sydera luce sequi, numeros plausumq; mereri.
Talis enim virtutis honos, tantumq; decebat
E meritæ pietatis opus, quòd clarius in Te
Phæbeo splendore nitet, fulsitq; per Orbem
Hesperium, Turresq; Sacras, & mænia Romæ
Attonuit; geminis vicibus, dum publica tractas
Non sine curarum seric, molimina, sacri
Ordinis ex voto, Patriæq; negotia terræ.

Viderat

Viderat hoc in Te, iam tum iuuenilibus annis
Iudicij præclara Patrum sententia magni,
Cordaq; virtutis iam tum præfaga futuræ
Zelabant pro Te, felicibus vndiq; votis,
Omne Tibi pectus quoties dulcedine mirâ
Religiosus amor vincebat, & intima cordis
Donabat reclusa Tibi, quod summa licet si
Ingenij Tibi dona forent, visq; optima mentis
Naturæ subnixâ bonis, tantusq; laborum
In Sacris feruor studijs; licet intus aperto
Sole coruscaret, plenæ Sapiencia lucis,
Mente verecundâ tamen omnia summa laterent,
In pretio conclusa suo; vulgareq; passim
Nescirent humiles sentus, animiq; profundum.
Orta sed illa dies, quâ Tu dulcedine fandi
Rostra super Cathedra; Craci conspectior ire
Vifus es; & quantum sapienti pectore lumen
Manserat interius, radianti prodere verbo
Obersuatus eras. Nunquam spectacula tanta
Bellonæ castris, grandæuus Nestor in ore
Suadela dulcore tulit; Cyneasq; superbo
Expugnata dedit nunquam tot mænia Pyrrho,
Robore facundæ post tot certamina linguæ
Vt Tibi de Sacris posuit Tua suada trophæis
Augusti monumenta operis, Cathedra; triumphos,
Nectaris Ambrosia; potens; quâ iugiter omnem
Torrentis rapit illa modo, voluitq; Coronam
In summo cætu populi numeroq; virorum
Viscera nunc penetrans verbi mucrone tremendi,
Mox animos recreans, fomentaq; dulcia miscens.
Principe sic dignum Cathedrâ, quo Regia surgit
Regum Sarmatiæ Maiestas; Te sibi votum
Æstimat omne sacri præclaraq; gloria cætus
Deditq; virum, facundo cuius ab ore,
Inter tot saeræ præstantia nomina suadæ
Cerratim pendebat; apex dum fortè Vauelli
Antè Tiaratæ fastigia summa Cathedræ
Te per continuos quo sæpius audijt annos
Optabat tanto Cygnum dulcore perennem

Roran-

R orantes geminare fauos, & voce disertâ
 C orda animosq; DEO lucrari. Qualitèr olim
 L audibus immensis FRANCISCI claruit Ordo
 A tq; tot eloquijs miracula protulit Orbi
 R em Diuinam augens; seu cùm Patauina stupendo
 J nsonuit tellus; ANTONI fulmine magni;
 S eu BONAVENTURÆ Lugduni purpura quâdo
 S olis ab extremis collectum partibus Orbem
 J mperij summumq; decus fascēsq; Pelasgi
 M aiestate suâ, celebri suadâq; teneret;
 V el cùm Chryfologos, totq; inclyta nomina fandi,
 S ummus in Orbe locus supremaq; rostra stupere,
 E x hac progenie Sacrâ cætuq; Minorum.
 C ontinuat quales etiam nunc nominis alti
 C onumeratq; viros inter subtellia celsa
 L ucida Seraphici soboles Patris, omnia latè
 E uropæq; Asiæq; loca, Americæsq; remotas
 S ollicitis implens curarum partibus oras
 J nq; saluari conuincens nomine JESU
 Æterno verbi corda inter barbara fructu.
 C olligit hanc in Te vultus Septemtrio laudem
 A gressu quocunq; patet meritoq; triumphat,
 T u palmas Lechicis dum fortè trionibus infers
 H erculeis Suadæ Patriamq; laboribus ornas,
 E xternis nunquam sapientum laudibus, atq;
 D octrinæ studio cedis, virtute togatâ,
 R espondere pari genio suadâq; paratus.
 A t non sola Tibi dicendi summa facultas
 L umen in Orbe dedit, nomen fecitq; coruscum,
 J nnumera dotes aliâ, laudumq; coronæ
 S acra Tibi docti capitis fastigia cingunt,
 C onciliantq; decus, quo per Te clarior extat
 R elligionis honos, & vitæ norma probatæ,
 A e velut innatæ studium pietatis amorq;
 C ura Tibi quâdo præcunctis maxima votis,
 O mninò exacti cultum retinere decoris;
 V tq; suis constet reuerentia legibus, vtq;
 J mmotâ currant serie, quæ priscus ad vnguem
 E xpressit tenuitq; rigor, quo Spiritus ipse
 N utritur, viuitq; Sacer Sacri Ordinis Ordo;

C

Sic

Sic exempla alijs & vitæ dogmata præbens,
Jpsæ Tuâ virtute præis, lucemq; ministras,
Suauius inuitans alios, dum clarius in Te
Ostendis virtutis iter callemq; salutis.
Regnat amor studij proin in Te tantus & ardor,
Dulcius vt cordiq; Tuo nil gratius vnquam
Jnuenias, doctæ quam cum certamina Stoæ
Nobilibus florent animis, passimq; teruntur.
Alternis studij conatibus indè Patronum
Repperimus nobis, quibus est Theologica Pallas,
Ingenijsq; decus cordi; feruentior indè
Viuuit in erectis doctrinæ mentibus ardor,
Sub tanto quem docta colunt monumenta Patrono.
Par quoq; post clades, Martis post bella cruenta
Roxolanas, Suecasq; acies, Hunnosq; Scythasq;,
Occasum Patriæ propè; post incendia postq;
Vltima fatorum, Regni cineresq; Poloni,
In Te fulsit amor, Conuentus quando sepulti
Nolueras altis inuolui busta ruinis,
Communisq; mali spectacula longa referre
Illic; sed Cracijs postquam vis Suetica portis
Æstu-bellorum variò victrixq; dextrâ
Principis expulsa est **CASIMIR** I; totus in vno
Omnia consilij voluis molimina sensu,
Lugubri squallore iacens, vt surgat in altum
Olim Stradomiæ sedes primæua Minorum;
Nec differre placet curas animiq; labores,
Intanti successu operis. Mox nescia vinci
Æthereis suffulta bonis mens, ardua tentans,
Promouet auspicijs Sacram melioribus Ædem,
Restauratq; locum dilectis Fratribus, in quo
Jnnocua vitæ Lechicis fons primus in oris
Manauit, steterantq; pedes, inuictaq; Magni
Arma **CAPISTRANI**, trucibus metuêda Gelonis,
Raraq; **LIPNICIÆ** post hæc miracula dextræ
Immortale decus, Terræ columnq; Polonæ.
Vindice Te sic cæpta stetit pulcherrima moles,
Sublimem testata animum; sinè pondere niti
Posset Sarmaticæ cui tota Prouincia gentis,

Atq;

A t̄q; hoc cognouisse datum est , communibus in Te,
T um quando studijs, regimen conferre supremum,
E t summas placuit curas ; Tuq; vndiq; Præses,
R ebus par inuentus eras succedere summis,
E t tantis faciles humeros supponere curis.
X erxei quamuis numeri portenta tulissent
M uneris alta Tui fastigia ; par Tibi virtus,
I udicijq; vigor magnæq; industria mentis,
N on vno deducta gradu, ast exercita multis.
I ndè quod in Patrijs poteris feliciter oris,
S pectata virtute animi, donoq; regendi,
T anto cum fructu tantâ cum laude, fideq;,
E ximiò præstare bono, meritoq; perenni,
R omanas etiam decuit spectare curules,
E t quidquid tantâ summum veneramur in Vrbe,
T errarum, cui primus honos & summa potestas,
C ælorumq; parent mysteria ; tantus in orbe
V t locus excepit venientem ; protinus in Te
S ingula præclaræ capiens insignia mentis,
T otq; animi dotes prudenti pectore clausas,
O fficio tanto dignas & munere tanto
S olenni laudum titulo votoq; probauit,
C lareat vt Lechico tanto conspectior Orbi
V irtus tum pietas, & quæ Te summa coronat
S æpius in magnis retinens Prudentia rebus
T antaq; solliciti pro cunctis summa laboris,
O mnibus exemplo tandem stimuloq; futura ;
D um tantus Te cingit honos, quo clarus ab almâ
V rbe redis ; plaususq; novos & vota mereris,
M illeq; pro tantis renouas solatia curis.
T e proin Ausonio reducem cum cernimus axe
O prato fruimurq; bono ; iuuat intima cordis
T estari, plenoq; sinu depromere, quidquid
I n sua collectum formauit gaudia pectus.
V enit enim Tecum nostræ lux aurea mentis ;
S ollicitosq; diu pleno splendore serenat,
O mina grata ferens. Hinc brachia pandimus omnes;
R eligiosa Tibi, lætiq; occurrimus omnes,
D ulce decus nostrum, venerabile nomen amantis
I n Te suscipimusq; Patris, vultumq; benigni

Non

Non sine lætitiæ millenâ voce Patroni
Intuitu suavi nunc contemplamur; & vtrò
Subicimus iussis promptissima corda Paternis.
Sed quibus in studio potior Tua gratia fulsit,
Ad Tua præcipuo spectamus Nomina cultu;
Neque decent paruos ingrata silentia Vates
Conspectu seruare Tuo, cum viscera toto
Te poscant animi consensu Teq; loquantur,
Irrequieta Tuis vt surgat laudibus indè
Formeturq; Chelis; nam quidquid possumus isto,
Reddimus obsequio, longè maiora parati
Ad cultum proferre Tuum. Sed sufficit ex hoc
Nominis arcano, quidquid sublimius in Te
Collectum latuit, studij testudine sacrâ,
Intèr festiuos latè producere plausus.
SALVE igitur toto quod pectore voceq; totâ
Communi loquimurq; animo, Cedroq; notamus,
INCLYTVM & eximio spectadū lumine SYDV S
OR B I S S E R A P H I C I; Tyrio fulgentior ostro
Bosphore, iam Patrio feliciter orbe Trioni.
Symbola lucis habe; Cathedrarum gloria Tecum
Exurgat, suadæq; decus, dulcedoq; fandi,
Responsis veneranda sacris, penetransq; medullas,
Viuat in eloquij cultu, rursusq; triumphet.
An non DVLCIS OLOR FACVNDI diceris ORIS?
Nectare dulcifluo tot iam spectatus ab annis,
Tamq; potens verbo tam felix vberè sensu.
In quo PERFECTÆ SPECVLVM nitet vndiq; vitæ,
Vnicè Theologi STVDII PROMOTOR Atlasq;
Magnanimi cordis, quo nos sudare libentèr,
Et doctis totos facis impallescere chartis.
Tu iusti rectiq; tenax; Tu plenus in omni
Rerum fortunâ, varijs licet illa feratur
Excurratq; modis, luctus & gaudia miscens,
Felici suasu, solidâ virtute fideq;
Optima sis NORMA ARSVE proin PRVDENTIE & omnis
Regula consilij; nam quantum dulce Parentis
Mellistuumq; Tibi nomen, Personaq; dulcis
Antè alios magno pietatis seruiat vsu

T ot linguis loquitur propensio summa clientum
 O bstrictæ Fratrumq; animæ; quas corde benigno
 R espiciens, nunc lenè foues, nunc robore firmas;
 V t sis NATVRÆ COR & dulcedo PATERNÆ,
 M ascula conseruans perfecti iurâ vigoris;
 D ulcius illa tamen monitis immixta Paternis;
 I ndè sit, vt facili conuincas pectora verbo,
 F lexanimæ suadæq; modis, exempla regendi
 F ormâs ex Te alijs, vt MANSVETVDINIS almæ
 I n Te vera suis IDEA coloribus extet.
 N imirum plenus FON S ES VIRTVTIS; & omnis
 I ntegritas animi, probitas, constantia, candor,
 T e circumstantes nexu vernante coronant;
 O mnigenæ longo pariterq; SCIENTIÆ ab vsu
 R ectè cõpositam mentem DECOR inclytus ambit.
 G audeat his ergò sapientia summaq; virtus,
 E xornata bonis; quòd Te Vir summe virorum
 N ouerit, INSIGNEM MERITIS VRBS SACRA coruscus
 E nsis, APEX FIDEI ET ZENITH; tunc quãdo decoro
 R OMA caput splendore Tuum sublimis ADORNAT.
 A t nos perpetuo concludimus omnia voto
 L ætitiæ plausu cupientes, V T MERITÒ SIS
 I pse CRVCIS CHRISTI radians AMOR, atq; CORONÀ
 S eraphico fulgensq; Polo CYNOSVRA MINORVM.





